





樂城後集卷第二

詩七十首

次韻子瞻上元見寄一首

誰憐東坡老獨看南海燈故人隱山麓燕坐銷牀稜  
人生天運中往返成廢興炎起燹下薪凍合甕中水  
賴有不變處寂如方定僧建城亦巖邑燈火高下層  
頭陀舊所識天寒髮鬢髻問我何時來嗟哉谷爲陵  
幸此米方賤日食聊一升夜出隨衆樂舖糟共騰騰

次韻子瞻連雨江漲二首

南澗瘦嶺更千山烝潤由來共一天雲塞虛空雨翻



瓮江侵城市屋浮船東郊晚稻須重插西舍原蠶未  
及眠獨卓扁舟赴申卯米鹽奔走笑當年  
客到炎陬喜斃涼江吹虛閣雨侵廊回看野寺山溪  
隔卧覺晨炊稻飯香荔餉深紅陋櫻棗桂醅浮白比  
琳琅恩移嶠北應非晚未省南遷日月長

次韻姪過江漲一首

陰厓夏爲秋雨暴溪作瀆缺防舊通市流潦幾入屋  
雖幸廩粟空猶惜畦蔬綠鹿駭不擇音鴻羈分遵陸  
室誚曾子還城謳華元劍中情久岑寂外物兢排蹙  
設心等一慈開懷受諸毒道力雖未究游波偶然伏

糧須三月聚艾要十年蓄君恩許北還從此當退縮

亡嫂靖安君蒲氏挽詞二首

家風足圖史婦德儼蘋蘩湯沐從夫寵冠衣席弟恩  
克家傳衆子有後慶多孫追養心何極增封禮尚存  
又

宦遊非不遂流落自龕踈宗黨半天末存亡驚素書  
佳城東嶺外茂木故阡餘遙想千軍送臨江涕滿裾

寄題武陵柳氏所居二首

大真堂

官遊閱盡山川勝歸老方知氣味真歌哭不移身自



樂城後集 卷二  
穩往還無間語尤親永懷前輩無因見猶喜諸郎有  
此人千歲展禽風未改不加瑀琢世稱珍

康樂樓

邑居欲盡溪山好不作層樓無奈何巖谷廟前收蠟  
屐漪漣極目卷漁蓑安心已得安身法樂土偏令樂  
事多卜里筠陽猶靜治還家一笑定無它

筠州州宅雙蓮一首

綠蓋紅房共一池一雙遊女巧追隨鏡中比並新粧  
後風際攜扶欲舞時露藥暗開香自倍霜蓬漸老折  
猶疑殷勤畫手傳真態道院生綃數幅垂

奉同子瞻荔支歎一首

蜀中荔支止嘉州餘波及眉半有小稻糠宿火却霜  
霰結子伴與黃金伴近聞閩尹傳種法移種成都出  
巴峽名園競擷絳紗苞蜜漬瓊膚甘且滑北遊京路  
隋紅塵箬籠白曬拊最珍思歸不復爲蓴菜欲及炎  
風朝露勺平居著鞭苦不早東坡南竄嶺南道海邊  
百物非平生獨數山前荔支好荔支色味巧畱人不  
管年來白髮新得歸便擬尋鄉路棗栗園林不須顧  
青枝丹實須十株丁寧附書老農圃

次韻子瞻梳頭一首



寧城後集 卷三 三  
水上有車車自翻懸雷如線垂前軒霜蓬已枯不再  
絢有客勤我抽其根枯根一去紫茸齒珎重已試幽  
人言紛紛華髮何足道當返六十過去竟近有道士指教拔白  
後以水火養之當不復生故以為答

勸子瞻修無生法一首

除却靈明一一空年來丹竈漫施功掌中定有菴摩  
在雲際懸知霧雨濛已賴信心留掣電要須淨戒拂  
昏銅誰言逐客江南岸身世雖窮心不窮

石盆種菖蒲甚茂忽開八九華或言此華壽祥也遠因生日作頌亦為賦此一首

石盆攢石養菖蒲沮洳沙泉薤葉鋪世說華開難值  
遇天將壽考報勤劬心中本有長生藥根底暗添無  
限鬢更爾屈蟠增瘦硬它年老病要相扶

子瞻和陶公讀山海經詩欲同作而未成夢中  
得數句覺而補之一首

此心淡無著與物常欣然虛閑偶有見白雲在空間  
愛之欲吐玩恐為時俗傳遠巡自失去雲散空長天  
末愧陶彭澤佳句如珠圓

成都僧法舟為其祖師寶月求塔銘於惠州還  
過高安送歸一首



少年能講大乘經法施堂中不出福為許先師傳後  
世徑從西海集南溟忘身直犯黃茅瘴滿意初成白  
塔銘寄我淚痕歸萬里遙知露滴澗松青

東西京二絕

親祀井泉歲一終屬車徐動不驚風宓妃何預詞臣  
事指點譏詞豹犀中

犀著金槃不暇嘗更須石上擣黃梁數錢未免河東  
舊不識前朝大練光

唐相二絕

楊王滅後少英雄猶自澄思却月中已得惠妃歡喜

見方頭笑殺曲江公

朝中寂寂少名鄉晚歲雄猜氣益橫心怕無鬚少年  
士可憐未識王奴兄

寓居六詠

手植天隨菊晨添首楷盤叢長憐夏苦花晚怯秋寒  
素食舊所愧長齋今未闌殷勤拾落藥眼暗讀書難

又

山丹炫南土盈尺愧西京所至曾無比知非浪得名  
未須求別種尚欠剥繫英行復春風度天涯眼斲明

又



隣家三畝竹蕭散倚東墻誰謂非吾有特能惠我涼  
雪深聞毀拆風作任披猖事過還依舊相看意愈長

又

弱榴生掩冉挿竹強支义旋疊封根石能開著子花  
扶持物遂性綴緝我成家故國田園少何須恨海涯

又

大雞如人立小雞三寸長造物均付子危冠兩昂藏  
出欄風易倒依草枯不殭後庭花草盛憐汝討興亡

或言矮雞冠即  
瓦樹後庭花

又

西隣分半井十口無渴憂歲旱百泉竭日供八家求  
艱難念生理沾足愧寒流比聞山田婦出汲爭群牛

山中澗谷枯竭汲者每苦牛奪其  
水一人出汲輒數人持杖護之

### 和子瞻新居欲成二首

老罷子卿還屬國功成定遠恨陽關漂流豈必風波  
際顛沛何妨枕席間伏臘便應隨俚俗宰廬聞似勝  
家山囚綠宿世非今日賴有陰功許旋還

此說見  
佛書

山連上帝珠明府心是南宗無盡燈過去收危空比  
夢年來瘴毒冷如水圖書一笑寧勞容音信頻來尚  
有僧梨棗功夫三歲辦不緣憂患亦何曾



次遲韻二首

老謫江南岸萬里修烝嘗三子留二子蒿少道路長  
累以二孀女辛勤具餼糧誰合用飛鴻送汝至我旁  
飢寒不能病氣紓色亦康柎背問家事嗟我又已忘  
力耕常及春無爲久南方還家語諸女素剛非王章

又

世事非吾憂物理有必至常嗚百川竭顧亦防兩耳  
陰陽相糾纏反覆更自治幽懷澹不起默坐識其意  
長子念衰老遠行重慙愧踈慵身似僧岑寂家近寺  
但聞事日新未覺吾有異器鎗本自出藩角徒不遂

得失衆共知窮達佛所記要令北歸日粗究一大事

次遠韻一首

萬里謫南荒三子從一幼謬追春秋餘賴爾平馬走  
憂病多所忘問學非復舊借書里諸生疑事誰當叩  
吾兒緝懶教擢穎旣冠後求友中卷人玩心竹間岫  
時令檢遺闕相對忘昏晝兄來試謳吟句法漸翹秀  
暫時鴻鴈飛迭發墳隄奏更念死丘子頽然何時覲

次韻子瞻和陶公止酒一首雷州作

少年無大過臨老重復止自言衰病根恐在酒盃裏  
今年各南遷百事付諸子誰言瘴霧中乃有相逢喜



蘇坡後集 卷之二  
連床問動息一夜再三起  
泝流俛仰得此病竟何理  
平生不尤人未免亦求已  
非酒猶正之其餘真止矣  
飄然從孔公乘桴南海涖  
路逢安期生一笑千萬祀

次韻子瞻過海一首

我遷海康郡猶在寰海中  
送君渡海南風帆若張弓  
笑揖彼岸人回首平生空  
平生定何有此去未可窮  
惜無好男天從此乘桴翁  
幽子疑龍鰕乎須竟誰雄  
閉門亦勿見一颯回春風  
晨朝飽粥飯洗鉢隨僧鐘  
有問何時歸茲焉若將終  
居家出家人豈復懷兒童  
老聃真吾師出入初猶龍  
籠樊碩甚密俛首姑爾容

衆人指我笑韁鎖無此工  
一瞬千佛土相期兜率宮

過姪寄椰冠一首

衰髮秋來半昇絲幅巾  
緇撮強爲儀垂空旋取海棕  
子蜀中海棠下加嶺有椰木但不結子耳束髮裝成老法師  
變化密移人不悟壞成相續  
我心知茅簷竹居南溟上  
亦似當年廊廟時

寓居二首

東亭

十口南遷粒有歸一軒臨路  
闕奔馳市人不慣頻回首  
坐客相詰便解頤慙愧天涯  
善知識增添城外小



茅茨華嚴未讀河沙偈偃仰明窻手自披

東樓

明從海上湧金盆直入東樓照病身久已無心問南  
北時能閉目待儀麟颶風不作三農喜是歲海無颶風怕客  
初來百物新歸去有時無定在漫隨俚俗共欣欣

所寓室後月季再生與遂同賦一首

客背有芳藜開花不遺月何人縱尋斧害意肯留折  
偶乘秋雨滋冒土見微茁倚倚抽條穎頗欲傲寒冽  
勢窮雖云病根大未容拔我行天涯遠幸此城南茆  
小堂劣容卧幽閣粗可躡中無一尋空外有四隣匪

窺墻數袖實隔屋看柳葉葱蒨獨茲苗慙慙待其活  
及春見開敷三嗅何忍折

浴罷一首

逐客例幽憂多年不洗沐予髮櫛無垢身垢要須浴  
顛儕本天運償恨當誰復茅簷容病軀稻飯飽枵腹  
形骸但癯瘁氣血尚豐足微陽閔九地浮彩見雙目  
枯槁如束薪堅緻比温玉長齋雖云淨閱月聊一沃  
石泉澣巾幌土釜煮桃竹南窓日未移因卧久彌熟  
華嚴有餘秩默坐心自讀諸塵勿消盡法界了無矚  
况如仰山翁欲就瀉叟卜猶恐墮聲聞大願勤自督



次遠韻齒痛一首

元明散諸根外與六塵合流中積綠氣虛妄燕可託  
弊陋少空明婦姑相攘奪日出曠焦牙風來動危擇  
喜汝因病悟或免終身著更須誦楞嚴從此脫纏縛  
子瞻問瘦以詩見寄次韻一首

多生習氣未除肉長夜安眠懶食粥屈伸久已效熊  
虎倒掛漸擬同蝙蝠衆笑恐飢長杜門自恐莫年還  
入俗經旬輒瘦駭隣父未信腦滿添黃玉海夷旋覺  
似齊魯山蕨仍堪嘗菽粟孤船會復見洲渚小車未  
用安羊鹿海南老兄行尤若樵爨長須同二僕此身

所至即所安莫問歸期兩黃鵠

次韻子瞻獨覺一首

咄咄書空中有恠內熱搜膏發癰疥羨藜飯芋如固  
然飽食安眠真一快午雞鳴屋呼不起欠伸吉其重  
衾裏此身南北付天工竹杖芸鞋即行李夜長却對  
一燈明上池溢流微有聲幻中非幻人不見本來日  
月無陰晴

次韻子瞻夜坐一首

月入虛牕疑欲旦香凝幽室久猶薰清風巧爲吹餘  
瘴踈雨特來報斷雲南海炎涼身已慣北方毀譽耳



誰聞遙知掛壁瓢無酒歸舶還將一酌分

次韻子瞻寄賀生日一首

弟兄本三人懷抱喪其一頽然仲與叔耆老天所隲  
師心每獨往可否輒自必折足非所恨所恨覆鼎實  
上賴吾君仁議止海濱黜凄酸念母氏此恨何時畢  
平生賢孟博苟生不謂言歸心天若許定卜老泉室  
淒涼百年後事付何人筆于今兄獨知言之泣生日

次韻子瞻寄黃子木杖一首

老至亦有漸五十惟杖始行年日辰匝幸免卿閭耻  
罪重瘡難平餘痂未脫痕登山足猶健不用扶兒子

我兄念辛勤贈此攜且倚它年賜環目田舍充須此  
早收藤節杯旋綴烏皮几茅簷數間足不用伐桐杞

次韻子瞻謫居三適

旦起理髮

道人雞鳴起趺坐存九宮靈液流下田茯苓抱長松  
顛毛得餘潤冉冉欺霜風俯就無數櫛九九為一通  
洗沐廢已久徐之勿忽忽氣來自湧泉至此知幾重  
近聞西邊將袒裊擁馬鬃歸來建赤油不復儕伍同  
笑我守尋尺求與真源逢人生各有安未肯易三公  
午窓坐睡



定中龍眠膝定起柳生肘心無出入異三昧亦何有  
晴窓午陰轉坐睡一何久頽然擁褐身剥啄叩門手  
褰帷顧我笑疑我困宿酒不知吾喪我冰消不遺壽  
空虛無一物彼物自枯朽夢中得靈藥此藥從誰受  
侵尋入四支欲洗自無垢從今百不欠只欠歸田叟

夜卧濯足

海民慢寒備不畜衾與裯雖苦地氣洩亦無徒跣憂  
逐客久未安集舍占鵲鷓念肯使胡中車馳卒不畱  
貂裘遡北風十襲猶颼颼中塗履冰河馬倒身自投  
宅足費馮翼千里煩勝鞦十年事湯劑風雨氣輒浮

南來足憂慮此病何時瘳名身孰親疎慎勿求封侯  
同子瞻次過遠重子韻一首

孟子自誇心不動未試永嘉鐵輪重弟兄六十老病  
餘萬里同遭海隅送長披羊裘類嚴子罷食豬肝同  
閔仲大男畱處事田畝幼子隨行躬釜壅低眉語笑  
接隣父彈指吁嗟到蠻洞茅茨一日敢忘葺桑柘十  
年須勉種來時邂逅得相攜歸去逡巡應復從莫驚  
憂患爾來同久知出處平生共雖令子孫治家學休  
炫文章供世用穎川築室久未成夜來忽作西湖夢

次韻子瞻和淵明擬古九首



客居遠林薄依墻種楊柳歸期未可必成陰定非久  
邑中有佳士忠信可與友相逢話禪寂落日共杯酒  
艱難本何求緩急肯相負故人在萬里不復爲薄厚  
米盡鬻衣衾時勞問無有

閉門不復出茲焉若將終蕭然環堵間乃復有爲戎  
我師柱下史久以雌守雄金刀雖云利未聞能斫風  
世人欲困我我已安長窮窮甚當辟穀徐觀百年中

又

蕭蕭髮垂素晡日過西隅道人愍我老元氣時卷舒  
歲惡風雨交何不完子廬萬法滅無餘方寸可以居

將歸道上塵先拔庭中蕪一淨百亦淨我物皆如如

又

夜夢被髮翁騎麟下大荒獨行無與遊闖然欸我堂  
尚論何崢嶸微言何渺茫我徐聽其說未離翰墨場  
平生氣如虹宜不葬北邙少年慕遺文奇姿揖昂昂  
衰罷百無用漸以園斲方隱約就所安老退還自傷

又

海康雜蠻獍禮俗又未完我居近閭閻願先化衣冠  
衣冠一有耻其下胡爲顏東隣有一士讀書寄賢關  
歸來奉親友跬步行必端慨然頽流俗歎息未敢彈



樂城集 卷二 十三  
提提烏爲中見此孤翔鸞漸能衣袂袒楊知惡寒

又

佛法行中原儒者耻論茲功施冥冥中亦何負當時  
此方舊雜染渾渾無名緇治生守家室坐使斯人疑  
未知酒肉非能與生死辭熾哉吳閩間佛事不可思  
生子多穎悟德報豈吾欺時俾正法眼一出照曜之  
誰爲邑中豪勸誦我此詩

憂來感人心悒悒久未和呼兒具濁酒酒斟起長歌  
歌罷還獨舞黍麥力減多憂長酒易消脫片如風花  
不悟萬法空子如此心何

杜門人笑我不知有天遊光明遍十方咫尺陋九州  
此觀一日成袞袞通法流竿木常自隨何必返談丘  
老聃白髮年青牛去西周不遇闕尹喜履迹誰能求

又

鉏田種紫泛有根未堪採浚巡歲月度太息毛髮改  
晨朝玉露下滴瀝投滄海須牙忽長茂枝葉行可待  
夜燒沉水香持戒勿中悔

兩中招吳子野先生一絕 循州作

柴門不出蓬生徑暑雨無時水及堂碎穀賴君能作  
客暫來煎蜜餉桃康



答吳和二絕

間泐水小茅屋不比麻田新草堂問我秋來氣如火此問何事得安康

慣從李叟遊都市及伴藍翁醉盡堂不似蘇門但長

嘯一生留恨與嵇康子野皆與字上寧縱遊京師于

閑九月重九與父老小飲四絕

九日龍山露霜凝龍川九日氣如烝偶逢閏月還重九酒熟風高喜不勝

獲罪清時世共憎龍川父老尚相尋直須便作鄉關看莫起天涯萬里心

客主俱年六十餘紫萸黃菊映霜鬚山深瘴重多寒熟老大須將酒自扶

尉佗城下兩重陽白酒黃雞意自長卯飲下床虛已散老年不似少年忙

求黃家紫竹杖一首并引

子於龍川買曾氏小宅宅西南隅有紫竹百餘竿為藤蔓所困無復直幹雖為伐藤而見竹偃弱無可為杖者黃氏老家有紫竹甚茂乞得一莖勁挺可喜聞黃氏竹舊自曾氏移植偶為詩示之

曾家紫竹君家種曾園竹與荒藤共藤驕竹瘁如



畏人不似君家竹森聳我來買宅非爲宅愛此風  
稍時一弄磨刀向藤久未忍樹倒藤披真自送繁  
陰一豁新莽地狂鞭欲向青春動我身病後少筋  
力遍求柱杖扶腰痛蕭蕭瘦幹未能任一畝君家  
知足用一枝遺我拄尋君老酒仍煩爲開甕

賦豐城劍一首

北途歸中作

劍氣夜干斗精誠初莫隔全身寄獄戶隱約還自得  
張雷彼知我勉爲汝一出腰間雜環佩亦旣報之德  
凜凜天地間要非手中物躍入延平水三日飛霹靂  
出當乘風雷歸當卧泉石千年故穴在三嘆泉上客

范丞相堯夫挽詞二首

許州作

持身守忠恕臨事耻浮沉直道更三黜平生惟一  
家風來自遠國論老彌深令待真如玉泥沙在見侵  
又

南遷頭已白北返病初加君意知無罪天心許到家  
同朝曾忝舊握手一長嗟時事紛無已還應付棣華  
卜居一首

我歸萬里初無宅鳳去千年尚有臺誰爲遶池先種  
竹可憐當砌已栽梅囊貨只數腰金在歸計長遭鬢  
雪催欲就草堂終歲事落成隣舍許銜杯



和子瞻過嶺一首

山林瘴霧老雖堪歸去中原茶亦耳有命誰令終返  
北無心自笑欲巢南蠻音慣習疑僞語脾病縈纏帶  
嶺嵐手挹祖師清淨水不嫌白髮照甕匕

子瞻贈嶺上老人次韻代老人答一絕

嶺頭盧老一爐灰長短根莖各自栽輕賤已消先世  
業知君海上去仍回

樂城後集卷第二

樂城後集卷第三

詩七十首

大行皇太后挽詞二首

累朝宗內治晚歲擅鴻勳立子得元聖收簾奉長君  
一言消橫逆多難弭紛紜仙馭曾非遠長瞻鞏洛雲  
又

家風承舊相國體繼皇姑定策從中禁傳聲震海隅  
春風開閉蟄朝露濕焦枯萬里生還客冠纓淚雨濡  
追尊皇太后挽詞二首

月缺年何久龍飛事一新追崇名號正同祔禮容均



鳳翥低迎日龍輻細起塵都人知舜孝擁紉盡露巾

又

德美鍾岐嶷榮華倍感傷一時朝野恨百世本支長  
出祖悲無憾因山儉有光它年過嵩洛望拜裕陵旁

贈史文通奉議二首

墻北史居士掛冠心轉閑頂開人共怪神去夜采還  
白雪微侵鬢丹砂久駐顏從君欲問道何日徑開關

又

有叟住東野畏人希入城君時共還往我欲問修行  
早歲識巖客近時逢絳生真能訪茅屋徒屢試將迎

次前韻示楊明二首

晚歲有餘樂天教一向閑蒿場百口住嶺外七年還  
十宅先隣晏携瓢欲飲顏吳僧來不久相約叩禪關

又

甘井元依廟干湖亦近城幅巾朝食罷芒屨雨中行  
擾擾初何事悠悠身此生欲邀東郭叟煩子作郊迎

唐修謨

義問

挽詞二首

家風臺栢老遺直故依然節見南遷後神凝未暝前  
臨民舊有法訓子適成篇尤轉今猶在參同豈妄傳

又



我返南荒日君臨舊許初笑談寬老病旌旆擁茅廬  
酒盞開雖數溪堂到尚踈誰言生死隔近在浹旬餘

寄題登封揖仙亭一首

靈王太子本讀書縱談穀洛參諸儒生來不見全盛  
初老成遺訓誰指摸心知漸失文武餘蕭然直入山  
中居山閒吹笙鳳凰呼升天白日乘龍車周人聚觀  
拜路隅明月為佩雲為裙歸來千歲孰任無赤松老  
彭自為徒上待玉宸臨九區烜赫不類山澤癯依山  
作邑賢大夫夜中焚香遡空虛我欲從之駕肩輿秋  
風八月來徐徐

吳冲卿大夫秦國挽詞二首

國老相隨盡家風慨猶存見夫成相業聽子得忠言  
夫人長子起居昔將論有以南廷氣節慙多士聲華  
之憂訪於夫人夫人以當官許駸盛一門平生高義重未易俗人論

雅頌成章早春秋發論長風規番叔向文采似中郎  
覽古明興廢臨危喜激昂南遷初不恨李杜得從滂  
十一月十三日雪一首

南方霜露多雖寒雪不作北歸亦何喜三年雪三落  
我田在城西禾麥敢嫌薄今年陳宋災水旱更為虐  
閉糴斯不仁逐熟自難卻飢寒雖吾患尚可省鹽酪



續坡後集 卷三  
飛蝗昨過野遺種遍陂灤春陽百日至鬧若蠶生箔  
得雪流土中及泉盡魚躍美哉豐年祥不待炎火灼  
呼兒具樽酒對婦同一酌誤認屋瓦鳴更願開雪脚

補子瞻贈姜唐佐秀才一首

予兄子瞻謫居儋耳瓊州淮士姜唐佐往從之遊  
氣和而言道有中州士人之風子瞻愛之贈之詩  
曰滄海何曾斷地脉白袍端合破天荒且告之曰  
子異日登科當爲子成此篇君游廣州州學有名  
學中崇寧二年正月隨計過汝南以此句相示時  
子瞻之喪再逾歲矣覽之流涕念君要能自立而

莫與終此詩者乃爲足之

生長茅間有異芳風流稷下古諸姜適從瓊管魚龍  
窟秀出羊城翰墨場滄海何曾斷地脉白袍端合被  
天荒錦衣它日千人看始信東坡眼目長

遷居汝南一首

我昔還自南從此適舊許再歲常杜門壁觀無與語  
何人自鷺鶴未聽郎安處亟逃潁州籍來貫汝南戶  
妻孥不及將童僕具樽俎身如孤棲鵲夜起三逸樹  
故人樂安生風節似其父忻然整一笑捨我西南去  
去已還閉門時作野田步蕭條古僧舍遺像得顏魯



精神凜如生今昔吾與女已同羈窮厄但脫生死悌  
幸世方和平有土非寇虜春寒燒黃茅晝飯煮青如  
何必濕上田幸此足粳稌歸心念狂簡裁製時莫時

索居三首

索居非謫地垂老更窮途去住看人意幽憂賴我無  
小園花草穢陋巷犬羊俱近覺根塵離忘言日益愚

又

平生亦何事十載苦顛儻夢嶮會非嶮覺迷終不迷  
客居燕壯子別久愧良妻稍訝音書闊春陰道路泥

又

許蔡古隣國風煙相雜和蕭然客舍靜不願主人過  
野薺春將老淮魚夏漸多街南病居士有酒對酣歌

聞諸子欲再質卞氏宅一首

我生髮半白四海無尺椽卞氏昔冠冕子孫今蕭然  
願以棟宇餘救此朝夕懸碩我亦何有較子差尚賢  
傾囊不復惜埽地幸見捐南隣南埗兩孫存故廬  
松竹手自種風霜歲逾堅幽花亂蜂蝶古木嘶蜩蟬  
垂陰可數畝成功幾百年人心苦無厭隱居恨未圓  
得之苟有命老矣聊息肩畚土填隙穴結茅苴漏穿  
粗爾容偃息豈復求華鮮西歸信已乎求雜孫陳編



任氏閱世堂前大檜一首

君家大檜長白尺根如車輪身弦直壯夫連臂不能  
抱孤鶴高飛直上立狂風動地舞枝榦大雪翻空洗  
顏色人言此會三百年未知昔是何人植君家大夫  
老不遇一生夜氣未嘗屈沒身不說歸故里遺愛自  
知懷舊邑此翁此檜兩相似相與閱世何終極汝南  
山淺無良材櫟柱棟椽聊障日便令殺身起大厦亦  
恐衆林無匹敵且留枝葉梳雲霓猶得世人長太息

贈蔡駮居士一首

結茅汝上只三間種稻城西僅一廛梅老外生詩律

在秀公弟子佛心傳埋盆疊石常幽坐留客開樽輒  
醉眠開道隣僧乞米送時無韓子定誰憐

癸未生日一首

我生本無生安有六十五生來逐世法妄謂待此數  
隨流登中朝夫脚墮南七人言我當喜亦言我當懼  
我心終頽然喜懼不入故歸來二頃田且復種禾黍  
或疑潁川好又使汝南去汝南亦何爲均是食粟處  
兒言生日至可就瞿曇語平生不爲惡今日安所訴  
老聃西入胡孔子東歸魯我命不在天世人汝何預

白鬚一首



中歲謬學道白鬢何由生故人指我笑聞道未能行  
我笑謝故人唯唯亦否否老聃古道師白髮生而有  
佛告波斯匿汝有不自存亭中掌亭人何嘗隨客奔  
客去不用留主在亭不毀墁墻支折棟在我不在爾  
道成款玉晨跪乞五色丸肝心化黃金齒髮何足言

寒食二首

寒食今年安汝南餘樽傾瀉亦醺酣道人又厭世間  
濁僧舍猶存肉食慙花折園夫時送客餽留孫女尚  
分甘東叔詩有為翁寒食番錫之句欲遊紫極誰爲伴長揖孤松對  
不談紫極宮有巨松可數人抱

寄住汝南懷嶺南五年一醉久酒酣身逃爭地差云  
靜名落塵寢終自慙耳畔飛蠅看尚在鼻中醇酢近  
能耳今朝寒食唯當飲買酒先防客欲談

穎川城東野老一首姓劉氏名正

我歸穎川無故人城東野老須如銀少年推埋起黃  
塵晚歲折節依仙真走如麀鹿人莫親呼來上堂飲  
清樽踞牀日略頻伸指我黃河出混嶮東流入海  
還天津沐浴周遍纔逡巡嬰兒跣跌乘日輪脫身遊  
戲走四隣逢人不告非自珍許我已老知閉門東朔  
太山款真君告我不返遊峨岷還家一舍卧不晨闔



棺空空但衣巾平生自言師洞賓嗟世賤日貴所聞

汝南示三子一首

此生賴有三男子到處來看老病翁飲食粗便魚稻  
足音塵不隔馬牛風道場莫問何方是舍宅元依畢  
竟空且爾不歸歸亦得汝曹免復走西東

謝任亮教授送千葉牡丹一首

花從單華成千葉家住汝南疑洛南亂剝淨苞任狼  
籍併偷春色恣醺醉香穠得露久彌馥頭卓迎風似  
不堪居士誰知己離畏金梁剪送病中庵

思歸二首

汝南百日雷走遍三男子思歸非吾計聊亦為爾耳  
行裝理肩輿客舍卷床第兒言世情惡平地風波起  
舟行或易搖舟靜姑且已飽繫雖非願蠖屈當有埃  
老人思慮拙小子言有理晨炊廩粟紅晚市淮魚美  
索居庖無人歸去迎伯姊終歲得安閑幽居無彼此

又

我老不待言有女年四十念我客汝南無與具朝食  
翩然乘肩輿面有風土色許蔡雖云近傳舍三經夕  
衰老累汝曹愧歎心不擇磨刀繪縷紅洗盞酒花白  
母老行役難女來生理葺外孫跨鞍馬遇事亦閑習



居然數口家，解我百憂集。厄窮須父子，它人非所及。

萬蝶花一絕

誰唱殘春蝶戀花，一團粉翅壓枝斜。美人欲向釵頭插，又恐驚飛鬢似鴉。

春盡一首二月二十日立夏

春風過盡百花空，燕坐笙簫起城中。樹影連天開翠幕，鳥聲入耳當歌童。楞嚴十卷幾回讀，法酒二升是客同。試問隣僧行乞在，何人閑暇似衰翁。

夢中詠醉人一首四月十日夢得篇首四句起而足之

城中醉人舞連臂，城外醉相人枕睡。此人心未必

空甃爾頽然似無事，我生從來不解飲。終日騰騰少憂累，昔年曾見樂全翁。自謔少年飲都市，一時同飲石與劉。不論升斗俱不醉，樓中日夜狂歌呼。錢盡酒空姑且止，都人疑是神仙人。誰謂兩人皆醉死，此翁年老不復飲。面光如玉心如水，我今在家同出家。萬法過前心不起，此翁已死誰與言。欲言已似前生記。

立秋偶作一首六月二日

十年憂患本誰知，慙愧仙翁有舊期。度嶺還家天許我，斲山種粟我尤誰。秋風欲踐故人約，春氣潛通病樹滋。心似死灰鬚似雪，眼看多事亦奚爲。



汝南遷居一首

病暑暑已退思歸不成歸人事不可期當受不當違  
客居汝南城未覺吾廬非忽聞鵲反巢坐使鳩驚飛  
三選擇所安一枝粗得依我來衆草生漸見百卉腓  
天行若循環物化如發機閉目內自觀此理良密微

寄內一首

與君少年初相識君年十五我十七上事姑章旁兄  
弟君雖少年少過失昏晨定省歲月短五十還朝定  
何益憂深責重樂無幾失足一墜南海北身居甯中  
不見天仰面虛空聞下石丈夫學道等憂患婦人亦

爾何從得歸來舊許生白鬚回顧慙君髮如漆遷居  
汝南復何事龜老支牀隨所擲相望一月兩得書聞  
君肺病久消釋我經三伏常暴下近喜秋風掃蒸濕  
病除寢食未復故相見猶驚身似腊劉根夫婦俱有  
道去日饒君著鞭策

病愈二首

學道雖云久沉痾竟未除炎烝度三伏晻曖覺中虛  
嘉穀不自長荒榛終費鉏何辭用蘭石梨棗得扶踈

又

病退日身輕身輕心轉清山空流水上海靜寸燈明



朝市誰留住林泉自不行筠溪慙丐士流蕩過平生

九日三首

早歲寡歡意衰年仍病纏客居逢九日十酒破千錢  
萸菊驚秋晚兒孫慰目前登高懶不出多酌任頽然

又

狂夫老無賴見逐便忘歸小酌還成醉僑居不覺非  
妻孥應念我風雨未縫衣憂患十年足何時賦式微

又

黃菊與秋競白鬚隨日添時人知不憚野老未相嫌  
但酌清樽盡猶在並俸霑日西聞客至更問酒家帘

立冬聞雷

首九月二  
十九日

陽淫不收欽半歲苦常燠禾黍飼蝗螟粳稻委平陸  
民飢強扶耒秋晚麥當宿閔然候一雨霜落水泉縮  
蒼蔚山朝隳滂沱雨翻瀆經句勢益暴方冬歲愈蹙  
半夜發春雷中天轉車轂老夫睡不寐稚子起驚哭  
平明眎中庭松菊半摧秃潛發枯草萌亂起蟄蟲伏  
薪槲不出市晨炊午禾熟首種不入土春餉難滿腹  
書生信古語洪範有遺牘時無中壘君此意誰當告

將歸二首

十月三日

父客初何事言歸似有名騰騰且隨俗客落竟無成



病苦醫猶厭囊空身自輕家人驚別後無限白鬢生

又

爲客不滿歲還家見兩孫遙知臨竹戶相對引瓢樽  
老罷那嫌瘦心寬尚喜存風波隨處有何幸免驚奔

示資福諭老一首

并引

予讀楞嚴至塵既不緣根無所偶反流全一六用  
不行釋然而笑曰吾得入涅槃路矣然孤坐終日  
猶苦念不能寂復取楞嚴讀之至其論意根曰見  
聞逆流流不及地名覺知性乃嘆曰雖知返流未  
久如來法海而爲意所留隨識分別不得名無知

覺明豈所謂返流全一也哉乃作頌以示諭老

幽告百無營孤坐若假寐根塵兩相拚逆流就一意  
意念紛無端中止不及地寂然了無覺乃造真實除  
百川入滄溟衆水皆一味止爲潭淵深動作濤瀾起  
動止初何心乃遇適然耳吾心未嘗勞萬物將自理

三不歸行一首

客心搖搖若懸旌三度欲歸歸不成方春欲歸我自  
懶秋冬欲歸事自變問我欲歸定何時天公默定人  
不知孔公晚歲將入楚磐桓陳蔡行且住昭王已死  
不復南意欲歸老父母邦衛靈父子無足取姑爾息



肩埃東魯三桓豈知用聖人哀公亦自不能臣冉求  
一戰却齊虜請君召師君亦許歸來閉戶理詩書弁  
冕時出從大夫嘉見周公已不復其死故國心亦足  
孔公愈老愈屯適觀我未及門下賢鄉邦萬里不  
能往妻孥近寄潁川上依嵩架穎結茅茨自問此忘  
於何期汝南一寓歲行復來年歸去栽松竹

罷提舉太平官欲還居潁川一首

避世山林中衣草食芋栗奈何處朝市日耗大倉積  
中心久自笑公議肯相釋終然幸寬政尚許存寄秩  
經年汝南居久與茅茨隔祠官一掃空避就兩皆失

父子相携扶里巷行可卽屋弊且圯墻蝗餘尚道粒  
交遊忌點染還往但親戚閉門便衰病杜口謝彈詰  
餘年迫懸車奏草屢濡筆籍中顧未敢爾後備容乞  
幽居足暇豫肉食多憂慄永懷城東老未盡長年術

次遲韻寄適遜一首

飢比畏寒尤惡雪旋埋破裘絰敗纈我雖久客未成  
歸黍酒釐莖還潑節汝南薪炭舊如土爾來薄俸纔  
供藝眼前煖熱無可道心下清涼有餘絜潁川歸去  
知何時祠宮欲罷無同列夜中髣髴夢兩兒欲迓老  
人先聚說



次遲韻對雪一首十一月二日

雪寒近可憂麥熟遠有喜我生憂喜中所遇一已委  
平生聞汝南米賤豚魚美今年惡蝗旱况民鬻妻子  
一食方牛菽三日已干耜號呼人誰聞愍惻天自邇  
繁陰忽連夕飛霰墮千里卷舒驚大速原隰殊木被  
貧家望一麥生事如毛起荐飢當逐熟西去真納履

還潁川一首

甲申年五月五日

昔貧仕不過避世遊金馬嗟我獨何為不容在田野  
歎區寄汝南落泊反長社東西俱畏人何適可安者  
故廬已荆榛遺壠但松檟頽齡迫衰慕舊物一已捨

安能為妻孥辛苦問田舍平生事曩曇心外知皆假  
歸休得溟渤坐受百川瀉何人實造物未聽相陶冶

題鄆城彼岸寺二首

文殊院古栢

曾看大栢孔明祠行盡天涯未見之此樹便當稱子  
行它山只可作孫枝棟梁知事誰家用舟楫唯應海  
水宜日莫飛鷗集無數青田老鶴未曾知

武宗元比部畫文殊玄奘

遺墨消磨顧陸餘開元一一數吳盧本朝唯有宗不  
近國本長留後世模出世真人氣雍穆入藩老釋面



清癯居人不惜遊人愛風雨侵陵色欲無

上巳日久病不出示兒姪二首

春氣侵脾久在牀開門桃李著泥香牛鳴頗覺西湖  
近鳳去長憐北榭荒欲出老人無伴侶退歸諸子解  
農桑用隣約賣千竿竹拄杖穿林看莖長

卧聞諸子到西湖鵲鷺翩翩衆客俱紈扇藤屨試輕  
駢隻雞斗酒助歡娛行歌久已饒渠輩睡美猶應屬  
老夫春服既成沂可浴孔門世不乏迂儒

葺東齋一

三月十八日

弊屋如鷺巢歲歲添泥土泥多甃完絮屋老終難固

况復非吾廬聊爾避風雨圖書易新幌几杖移故處  
宵眠不擇安鼻息若炊釜兒孫喜相告定省使蚤莫  
我生溪山間弱冠衡茅往生來乏華屋所至輒成趣  
苦恨無囊金莫克償地主投老付天公著身豈無所

次蓮韻千葉牡丹二首

溟上名園似洛濱花頭種種闢尖新共傳青帝開金  
屋欲遺姚黃比玉真秦嶺猶應篆詩句杜鵑直恐降  
天神老人髮少花頭重起舞歌斜酒力勻

老人無力年年懶世事如花種種新百巧從來知是  
妄一機何處定非真園夫漫接曾無種物化相乘豈



續坡後集 卷三 十五  
有神畢竟春風不揀擇隨開隨落自勾七

盆池白蓮一首

白蓮生淤泥清濁不相干道人無室家心迹兩蕭然  
我住西湖濱蒲蓮若雲屯幽居常閉戶時聽遊人言  
色香世所共眼鼻我亦存隣父閱我獨遺我數寸根  
澀水不入園庭有三尺盆兒童汲甘井日晏泥水溫  
及秋尚百日花葉隨風翻舉日得秀色引息收清芬  
此心湛不起六塵空過門誰家白蓮花不受風霜殘

詠竹二首

湖濱草木脩竹可三尋屢尋多野思移種近牆陰

及爾迷未醒方予熱正侵無嫌不逮本地薄肯成林

又

南隣竹甚茂門巷不容賓縣印君當往囊金我患貧  
翠旌稍亂起犀角筍初勻不惜圖書賣端來作主人

見兒姪唱酬次韻五首

芝蘭生吾廬一雨一增菁本亦何預人懷抱終眷眷  
老傳時已迫塵垢日須浣未慙舊文書展讀不終卷

又

讀書雖不惡不讀亦自好根牙就區別花實隨時老  
耘鋤不可無雨露勿憂少我釣不在魚一竿寄洲島



又

宇宙非不寬，閑門自爲阻。心知塵外惡，且忍閑居苦。  
跏趺默非睡，龕燈翳復吐。道士爲我言，嬰兒出歌舞。

又

身病要須閑，閑極自成趣。空虛雖近道，懶拙初非悟。  
偶將今生脚，還著古人履。大小適相同，本來無別處。

又

西湖鮮不到，甘井竊餘涼。三伏罷飲酒，桂漿攜一觴。  
冠者五六人，起舞互低昂。人生有離合，此歡未易忘。

初得南園一首

倒囊僅得千竿竹，掃地初開一畝宮。十里故園竟夢  
裏，百年生事寂寥中。晏家不願諸侯賜，顏氏終成陋  
巷風。洗竹移花吾事了，子孫它日記衰翁。

移竹一首

牆陰竹蒙密，板築念相妨。欲補園東缺，欣乘兩後涼。  
三年生筍遍一徑，引風長但恐翁彌老。卸板懶復將

記夢一首

七月二十  
六日丑

長魚三尺困橫盆，送入清流喜欲奔。報我金匙僅盈  
寸，擲還聊喜不貪存。



續城後集

卷三

十一

續城後集卷第三







